




Ayera tardi tabata tin ceremonia di ground breaking di Hyatt Regency Aruba na Palm Beach.

Halto funcionarionan di e compania constructor Ballast Nedam International, Hyatt, development

Corporation y e grupo Japones cu a inverti den e proyecto aki, y tambe conseho di Ministro. Tabata un momento historico ayera tardi den un forma impacto a firma un certificado pa entre

otro Prome Ministro Mr. Henny Eman. Prome Ministro a dirigi su mes na e presentacion y a elogia e confianza cu e grupo aki a pone den futuro di Aruba. Valor di e proyecto ta 75 milyon

Nel Oduber:

Ban scapa A.P.A. N.V. pa Pueblo

ORANJESTAD(AAN)-- For di sr. Nelson Oduber nos a ricibi e siguiente comunicado.

Ministro Bermudez despues di e escandalonan na Setar y tin problema cu su mes a cuminsa un atake ariba gobierno anterior entorno A.P.A. n.v.

Den su criticanan el a demostra su incapacidad pa resolve e problemanan di APA N.V., tirando culpa ariba otro.

Na promer lugar estudianan cu a ser haci a determina cu mirando e modernisacionnan den mundo si transporte di carga, Aruba mester di un restructuracion den nos haf.

Mester bin cu un container-kraan of carga ta bay Curacao y nos lo worde gefeeder di eyan cu barconan mas chiquito.

A dura nos dos aña pa convence gobierno Hulandes pa financiamiento y proyecto, di cual mitar di e suma inverti ta regalo.

Kico Aruba a haya na infraestructura?

1- Un container-kraan cu ta un must.

Ministro Bermudez mester bisa pueblo e estudio cu a ser haci cu lo ta pa falta di mantencion e trapi a bula bay, manera e di;

2- A coba e haf te 12.5M di moda barconan grandi por drenta;

3- A traha edificio moderno, Kuststation bon equipa pa tur esnan cu ta opera ariba waf;

4- A asfalta e tereno ariba waf y amplia e tereno pa pone container;

5- Werkplaats y otro facilidanan nobo

6- A crea un fondo di pension di casi 8 millon Florin pa e trahadornan.

E haf a cla na 1984 y gobierno no tabata contento cu e contratista.

Nos no a acepta e trabao y casonan judicial a cuminsa.

Segun Nel Oduber ta sigui bisa, cu semper el a critica publicamente e expertonan cu gobierno a paga hopi placa y segun Nel Oduber no a controla bon.

Hopi a critica cu haf ta cara.

A haci estudio pa un economista y a yega na e conclusion cu di componentenan cu ta forma e tarifa den nos haf, solamente 10% ta gastonan di APA mes.

Segun Astec na 1985 di su gastonan 60 % ta salario so.

E malasuerte cu gobierno tabata tin ta cu ya caba na Maart 1985 nos a ser confronta cu cierra di e refineria, unda APA a perde 51% di su entradanan.

Carganan grandi cu tabata bini pa Lago y cu tabata haci uzo di nos haf no ta bin mas.

Fin di 1984 e director sr. van Krimpen a traha un proposicion pa reduci gastonan y restructura e set up.

E proposicion aki a ser entrega na e presidente comisario nobo sr. M. Kuiperi y bo por puntre kico Raad van Commissarissen a haci cune.

A acerca sr. Melchior y el a traha ariba alternativanan cu e partido MEP a laga pa gobierno di AVP.

Awor gobierno ta gaba cu e entrada nacional per capita a subi di \$ 4.000 - \$ 8.000, kiermen mirando tur e construcionnan cu tin mester tin mas actividadnan den nos haf y di con na 1986-1987 e perdida a subi te 8 millon den dos aña ta inexplicable.

Envez e perdida baha, e ta subi.

tempo cu sr. Nel Oduber tabata presidente comisario e suma cu gobierno tabata hinca acerca tabata menos cu un millon.

Falta di vision a conduci e haf na e situacion actual.

Di con na Curacao nan a cumpra e di dos container-kraan caba?

Pakico ta awe gobierno no a implementa e rapport "Allen Booz and Hamilton" cu nan mes a laga traha?

Di con Astec si ta gana placa y APA no?

Di con Curacao a cumpra su segundo container-kraan y a haya miles di container di Panama?

Gobierno di Aruba mes tin e Raad van Commissarissen di APA n.v. pa 27 luna no ta funciona y ta passivo den busca actividadnan nobo pa nos haf.

Nos ta compronde cu Ministro Bermudez ta buscando un issue pa hustifica venta di APA n.v. na e grupo privilegia.

MEP lo no coopera bao ningun circunstancianan pa e haf bay cay completamente den man di particular.

MEP lo no laga e control bay nunca, pasobra ya caba nos puerto ta un di e trampolinnan mas grandi pa droga, corda si e mester cay den mal man.

Te asina leu e comunicacion di sr. Nelson Oduber.

Telefoonnan di Diario
Tel: 26747
Tel: 22207
Tel: 35026